



Broj: 02-2-1-6377-17/16
Sarajevo, 07.07.2017.godine

Na osnovu člana 17. Zakona o javnim nabavkama („Službeni glasnik BiH“ broj 39/14) i člana 95. Statuta Univerziteta u Sarajevu, a u skladu sa članom 6. Odluke Upravnog odbora Univerziteta u Sarajevu broj 02-1218/17 od 14.02.2017.godine o utvrđivanju Plana javnih nabavki integrisanog Univerziteta u Sarajevu za 2017.godinu, V.D. Dekana Medicinskog fakulteta Univerziteta u Sarajevu je donio

ODLUKU

o dopuni

Plana javnih nabavki za 2017.godinu
Medicinskog fakulteta Univerziteta u Sarajevu

I

Utvrđuje se dopuna Plana javnih nabavki za 2017.godinu Medicinskog fakulteta Univerziteta u Sarajevu, usvojenog Odlukom Upravnog odbora Univerziteta u Sarajevu broj 02-1218/17 od 14.02.2017.godine, kao u tabeli koja se nalazi u prilogu i čini sastavni dio ove Odluke.

II

Sastavni dio ove Odluke je kopija Ugovora o finansiranju i realizaciji naučno-istraživačkog projekta: „Procjena antioksidativnih i antiinflamatornih učinaka alfa-tokoferola i gama-tokotrienola kod štakora sa induciranim reumatoidnim artritisom“, zaključenog između Federalnog ministarstva obrazovanja i nauke, s jedne strane i Univerziteta u Sarajevu, odnosno dr.sc. Almir Hadžović-Džuvo kao voditelja projekta s druge strane, broj 0101-7552-23/15 od 14.12.2015.godine.

III

Ova odluka stupa na snagu danom donošenja, a bit će objavljena na web strani Medicinskog fakulteta Univerziteta u Sarajevu.

Obrazloženje

Odlukom o utvrđivanju Plana javnih nabavki integrisanog Univerziteta u Sarajevu za 2017.godinu, broj 02-1218/17 od 14.02.2017.godine (u daljem tekstu: Odluka), Upravni odbor Univerziteta u Sarajevu je utvrdio Plan nabavki integrisanog Univerziteta u Sarajevu za 2017.godinu, čiji je sastavni dio i Plan javnih nabavki Medicinskog fakulteta Univerziteta u Sarajevu za 2017.godinu broj 02-2-1-6377/16 od 29.11.2016.godine.

Članom 6. stav (1) navedene Odluke, utvrđeno je da se u toku godine plan nabavki može tokom budžetske godine izmijeniti ili dopuniti u skladu sa obezbijedenim finansijskim sredstvima.

Članom 6. stav (2) navedene Odluke, propisano je: „Izmjena ili dopuna plana javnih nabavki Univerziteta u Sarajevu/organizacione jedinice vrši se na način i po postupku predviđenom za njegovo donošenje.

Imajući u vidu da je za realizaciju Ugovora o finansiranju i realizaciji naučno-istraživačkog projekta: „Procjena antioksidativnih i antiinflamatornih učinaka alfa-tokoferola i gama-tokotrienola kod štakora sa induciranim reumatoidnim artritisom“, zaključenog između Federalnog ministarstva obrazovanja i nauke, s jedne strane i Univerziteta u Sarajevu, odnosno dr.sc. Almire Hadžović-Džuvo kao voditelja projekta s druge strane, broj 0101-7552-23/15 od 14.12.2015.godine, potrebna nabavka određenih roba (laboratorijski reagensi i dr), da je prethodno vođeni postupak za nabavku istih roba (LOT 1) na osnovu Odluke o poništenju postupka broj 02-2-1-3330/17 od 03.07.2017.godine poništen iz razloga što nijedna primljena ponuda nije bila tehnička prihvatljiva, to je neophodno ponavljanje navedenog postupka.

Odlukom o utvrđivanju Plana javnih nabavki integrisanog Univerziteta u Sarajevu za 2017.godinu broj 02-1218/17 od 14.02.2017.godine, koju je donio Upravni odbor Univerziteta u Sarajevu, čiji je sastavni dio Plan javnih nabavki Medicinskog fakulteta Univerziteta u Sarajevu za 2017.godinu, u dijelu koji se odnosi na „Robe“ nije bila planirana nabavka roba (laboratorijski reagensi i dr) pošto je na osnovu Odluke o pokretanju postupka javne nabavke roba broj 02-2-1-6968/16 od 30.12.2016.godine tokom prethodne 2016.godine započet postupak za nabavku istih roba (LOT 1), a koji je okončan na osnovu Odluke o poništenju postupka broj 02-2-1-3330/17 od 03.07.2017.godine, a iz razloga što nijedna primljena ponuda nije bila tehnički prihvatljiva.

Imajući u vidu da je zbog poništenja prethodnog postupka dana 03.07.2017.godine nastala potreba za nabavkom predmetnih roba u 2017.godini iako nabavka istih nije bila planirana u 2017.godini, to je ovom odlukom utvrđena dopuna Plana javnih nabavki Medicinskog fakulteta Univerziteta u Sarajevu za 2017.godinu u dijelu koji se odnosi na: „ROBE“ sa r.b. 29. Naziv dopune nabavke pod r.b. 29 glasi: „Nabavka roba za potrebe naučno-istraživačkog projekta: Procjena antioksidativnih i antiinflamatornih učinaka alfa-tokoferola i gama-tokotrienola kod štakora sa induciranim reumatoidnim artritisom“, u dijelu koji se odnosi na LOT 1 (laboratorijski reagensi i dr.).



V.D. DEKANA

Prof. dr. Amela Kulenović

FEDERALNO MINISTARSTVO OBRAZOVANJA I NAUKE, ulica Ante Starčevića bl 3,
Mostar (u daljem tekstu: Ministarstvo), kojeg zastupa ministrica dr. sc. Elvira
Dilberović

i

UNIVERZITET U SARAJEVU, Obala Kulina Bana br. 7/II, Sarajevo, kojeg zastupa
rektor prof.dr. Muharem Avdišpahić, kao Nosilac projekta

zaključili su

U G O V O R

**o finansiranju i realizaciji naučno-istraživačkog projekta
„Procjena antioksidativnih i antiinflamatornih učinaka alfa-
tokoferola i gama-tokotrienola kod štakora sa induciranim
reumatoidnim artritism“**

Član 1.

Predmet ovog Ugovora je finansiranje naučno-istraživačkog projekta „Procjena antioksidativnih i antiinflamatornih učinaka alfa-tokoferola i gama-tokotrienola kod štakora sa induciranim reumatoidnim artritism“, čiji je voditelj dr.sc. Almira Hadžović-Džuvo.

Član 2.

Ministarstvo će finansirati naučno-istraživački projekat iz člana 1. ovog Ugovora u iznosu od **4.576,65 KM** (slovima: četirihiljadepetstotinasedamdesetšest i 65/100 KM).

Član 3.

Sredstva iz člana 2. ovog Ugovora dodijelit će se iz sredstava utvrđenih u razdjelu 54. pozicija „Transfera za institucije nauke i podsticaj NIR od značaja za Federaciju“, ekonomski kod 614300 u Budžetu Federacije Bosne i Hercegovine za 2015. godinu, analitički konto 614322 – kod projekta 1000065, označenih u Odluci o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2014. godinu Federalnom ministarstvu obrazovanja i nauke, pod tačkom I; stav 6. „Program raspodjele sredstava Transfera za institucije nauke i podsticaj NIR od značaja za Federaciju“, redni broj 5. „Naučno-istraživački i istraživačko-razvojni projekti u 2015. godini“.

Sredstva iz člana 2. ovog Ugovora će biti uplaćena na račun broj: 1610000008960095, otvoren kod Raiffeisen Bank dd Bosna i Hercegovina, Sarajevo, ID broj: 4200494560007

Član 4.

Nosilac projekta, odnosno Voditelj projekta se obavezuje da će obaviti naučno-istraživački rad pod nazivom „Procjena antioksidativnih i antiinflamatornih učinaka alfa-tokoferola i gama-tokotrienola kod štakora sa induciranim reumatoidnim artritism“, a prema

programu rada razrađenom po mjesecima u naučno istraživačkom projektu, uz poštivanje predviđenog obima i metoda istraživanja, broja i struke istraživača, specifikacije materijala i troškova, usluga i nabavke dodatne opreme.

Nosilac projekta, odnosno Voditelj projekta je obavezan da doznačena sredstva troši namjenski, isključivo za realizaciju projekta, odnosno naučnoistraživačkog rada, a u skladu sa dostavljenim Finansijskim planom projekta.

Član 5.

Po završetku istraživanja, najkasnije u roku od 30 dana, Nosilac projekta, odnosno Voditelj projekta je dužan dostaviti Izvještaj o toku i naučnim rezultatima istraživanja, te Finansijski izvještaj o namjenskom utrošku dodijeljenih sredstava.

Finansijski izvještaj o namjenskom utrošku dodijeljenih sredstava mora sadržavati obavezno sljedeće podatke sa priloženim dokumentima: ukupno ostvarene prihode za realizaciju projekta, s iznosima učešća svih sufinansijera, uključujući i vlastito učešće, te analitičku evidenciju ostvarenih troškova vezanih za realizaciju projekta s kopijama finansijsko-računovodstvenih dokumenata na osnovu kojih su izvršena plaćanja.

Član 6.

Nosilac projekta, odnosno Voditelj projekta je dužan odobrena i doznačena sredstva utrošiti u skladu sa namjenom i prema pozitivnim zakonskim propisima, odnosno realizovati naučnoistraživački projekat u roku od 12 mjeseci od dana uplate sredstava na njihov račun.

Ukoliko Nosilac projekta, odnosno Voditelj projekta u ugovorenom roku potpuno ili djelimično ne realizuje projekt koji je predmet ovog Ugovora, izvršit će povrat neutrošenih sredstava uplatom na transakcijski račun Budžeta Federacije BiH broj: 102-050-00001066-98; budžetska organizacija 5401001; vrsta prihoda 722719; šifra općine 180.

Član 7.

Izuzetno, Ministarstvo može produžiti rok realizacije projekta iz prethodnog člana na osnovu opravdanog zahtjeva Nosioca, odnosno Voditelja projekta.

U slučaju da Ministarstvo odobri produženje roka realizacije projekta, sa Voditeljem projekta će sklopiti aneks na ovaj Ugovor.

Ministarstvo neće snositi nikakve dodatne troškove i obaveze, niti Nosilac projekta, odnosno Voditelj projekta ima ovlaštenje da takve obaveze stvara u ime Ministarstva.

Član 8.

Ukoliko Nosilac projekta, odnosno Voditelj projekta ne dostavi Izvještaj o toku i naučnim rezultatima istraživanja ili ne dostavi Finansijski izvještaj o namjenskom utrošku dodijeljenih sredstava ili sredstva utroši nenamjenski, Ministarstvo će putem nadležnih organa poduzeti odgovarajuće mjere u skladu sa zakonom.

Član 9.

Savjet za nauku Ministarstva će izvršiti ocjenu naučnih rezultata istraživanja naučnoistraživačkog projekta, dok će Sektor za nauku i tehnologiju Ministarstva izvršiti finansijsku kontrolu namjenskog utroška sredstava iz člana 2. ovog Ugovora.

Član 10.

Nosilac projekta je dužan obezbjediti uslove za realizaciju projekta Voditelju naučno-istraživačkog projekta, u skladu sa ovim Ugovorom i u punom iznosu doznačenih sredstava.

Na sredstva doznačena po ovom Ugovoru ne može se primjeniti eventualna odrednica pravila ustanove o izuzimanju određenog procenta od doznačenih sredstava na žiro račun Nosioca projekta za bilo koju namjenu.

Član 11.

Nosilac projekta, odnosno Voditelj projekta se obavezuje da će, u slučaju javnog objavljivanja rezultata projekta ili njihovih pojedinih djelova, na odgovarajući način navesti Ministarstvo, kao finansijera projekta i dostaviti Ministarstvu primjerak objavljenog rada.

Ministarstvo zadržava pravo da apstrakt ili zaključke istraživanja objavi u posebnoj publikaciji uz poštovanje intelektualnih, vlasničkih i drugih prava autora.

Član 12.

Nosilac projekta, odnosno Voditelj projekta potpisivanjem ovog Ugovora prihvata da će u okviru odobrenih sredstava postići naučni rezultat ili rezultate navedene u projektu.

Član 13.

U slučaju spora po ovom Ugovoru nadležan je Kantonalni sud u Mostaru.

Član 14.

Ovaj Ugovor sačinjen je u četiri istovjetna primjeraka, od kojih dva primjerka zadržava Ministarstvo, a po jedan zadržava Nosilac projekta i Voditelj projekta.

NOSILAC PROJEKTA


prof.dr. Muharem Ardispahić

VODITELJ PROJEKTA

dr.sc. Almira Hadžović-Džuvo

Broj: 0101-7552-23/15

14.12.15.



MINISTRICA
dr.sc. Elvira Dilberović

Broj: 05-39-3951-1/15

Mostar, 27.11.2015. godine



Broj: 0101-~~4561-3~~.../16
Sarajevo, 04. 07. 2016. g.

2-2-3198/10
1207 6

Na osnovu člana 120. Zakona o visokom obrazovanju – Prečišćeni tekst (“Službene novine Kantona Sarajevo” broj 42/13 i 13/15), člana 59. Statuta Univerziteta u Sarajevu i na osnovu Ugovora o sufinansiranju i realizaciji naučno-istraživačkog projekta broj: 0101-7552-23/15 od 14. 12. 2015. godine, rektor Univerziteta u Sarajevu d o n o s i

ODLUKU

I

Daje se saglasnost da se sredstva Federalnog ministarstva obrazovanja i nauke u iznosu od 4.576,65 KM (slovima: četirihiljadepetstotinasedamdesetšest i 65/100 konvertibilnihmaraka), koja su po osnovu Ugovora o sufinansiranju i realizaciji naučno-istraživačkog projekta broj: 0101-7552-23/15 od 14. 12. 2015. godine doznačena Univerzitetu u Sarajevu, za naučno-istraživački projekt “Procjena antioksidativnih i antiinflamatornih učinaka alfa-tokoferola i gama-tokotrienola kod štakora sa induciranim reumatoidnim artritismom” čiji je voditelj prof. dr. Almira Hadžović-Džuvo, uplate na račun Medicinskog fakulteta Univerziteta u Sarajevu broj: 3389002208183767, otvoren kod UniCredit banke d.d.

II

Nosilac projekta, odnosno voditelj je dužan Federalnom ministarstvu obrazovanja i nauke dostaviti Izvještaj o namjenskom utrošku dodijeljenih sredstava odmah nakon realizacije istih.

III


Ova Odluka stupa na snagu danom donošenja.

Obrazloženje

Ugovorom o sufinansiranju i realizaciji naučno-istraživačkog projekta “Procjena antioksidativnih i antiinflamatornih učinaka alfa-tokoferola i gama-tokotrienola kod štakora sa induciranim reumatoidnim artritismom” broj: 0101-7552-23/15 od 14. 12. 2015. godine, Univerzitetu u Sarajevu - Medicinskom fakultetu su dodijeljena sredstva u iznosu od 4.576,65 KM (slovima: četirihiljadepetstotinasedamdesetšest i 65/100 konvertibilnihmaraka), za čiju je realizaciju imenovana prof. dr. Almira Hadžović-Džuvo, u svojstvu voditelja projekta. S obzirom da su sredstva uplaćena na račun Univerziteta u Sarajevu, a u cilju realizacije navedene Odluke, donesena je odluka kao u dispozitivu.

REKTOR

Prof. dr. Muharem Avdispahić, dr.h.c.



Dostaviti:

- ③ Medicinski fakultet UNSA
- Prof. dr. Almira Hadžović-Džuvo, voditelj projekta
- Služba za računovodstvo i finansije UNSA
- Služba za naučno-istraživački rad UNSA
- Služba za pravne poslove UNSA
- a/a

